

# Kementerian Pertanian wujud KPI

PUTRAJAYA 6 Jun - Kementerian Pertanian dan Industri Asas Tani muncul kementerian pertama mewujudkan petunjuk prestasi utama (KPI) sebagai mekanisme pemantauan dan penilaian prestasi.

Menterinya, Datuk Seri Noh Omar berkata, pelaksanaan KPI itu sejajar dengan saranan Perdana Menteri, Datuk Seri Najib Tun Razak untuk memastikan semua tanggungjawab, amanah dan mandat kerajaan memenuhi keperluan rakyat.

Beliau berkata, KPI tersebut akan memudahkan lagi setiap urusan di kementerian itu selain membolehkan sebuah program dan projek dinilai kejayaannya dengan lebih berkesan.

"KPI yang diwujudkan ini melibatkan 29 pegawai atasan termasuk Timbalan Ketua Setiausaha, Ketua Pengarah, Setiausaha Bahagian dan Pengarah-pengarah agensi kerajaan yang bernaung di bawah kementerian.

"Kesemua mereka perlu mencapai 191 sasaran yang telah ditetapkan mengikut matlamat kementerian yang mana semakan akan dibuat dalam tempoh enam bulan sekali," katanya.